



8  
△

刪

刻

越中草篇

四明 萬承勳 著



說鬼篇

公咎公名士驥梅公名庚章榜姓

沈名世思

辛卯浙闈厄運起主司無目操大比萬生

狂來欲問天咎公酒酣能說鬼山陰高公

泰順梅同為考官實名士梅公選薦無留

良落卷主司搜獨喜旁睨高公心不平將

加評隲明臧否。夢中男婦七鬼來。揮拳直  
入犯床第。自思無謂醒復眠。捶擊不堪且  
詬訾。六手齊力按其軀。一手抉眼不顧死。  
號痛驚回月正明。帳前林立鬼可指。乃悟  
此卷神助真。明當協力成。此美冷風一陣  
歸無踪。留得眼。眵痛不止。高公親與咎公  
言。卷乃會稽章氏子。鬼乎鬼乎。何太勞。四  
男三婦為誰使。爾欲抉眼須分明。奈何不

從主司始無目。衡文誤國深。反將有目來  
相毀公道世。間盡蒙蔽何獨斯。文不應爾  
天教若輩司權衡。是人。是鬼。無彼此。莫怪  
萬生鬼不靈。考官穩睡簾闥裏。

十月朔日。招陳子丹周摺方鮑念祖  
蘭亭小集。用施愚山五大夫松下

看流泉韻

曲水無尋處。沿山是碧泉。古人如可觴

詠豈相懸鳥亂霜林葉鐘殘曉寺烟小春  
天氣朗猶似永和年

蘭亭尋冬青樹

蘭亭後天章寺前有冬青穴六陵各為穴

上植冬青樹今為寺僧淹沒

昔日楊總統發陵收珠玉今日天章僧犁  
平竟為屋屋旁何處尋諸陵斬盡冬青但  
栽竹霽山不再來臯羽不復哭生時諸帝  
愛偏安死後一坏頻見辱五國城邊遺殖

寒不封不樹欽宗獨二帝梓宮還  
從此到蘭亭冬青冬不青

止已焉哉

十月三日遊禹陵南鎮與周措方限

韻二首

出郭稽山見巍然浙水東川原留王氣勤  
儉溯遺風窳石高岡鎮梅梁曉霧籠千年  
王會地荒草菊花叢  
地勢東南盡天家望秩先登臨思禹甸延

幸笑秦年。鼉屨穹碑積。虬龍老樹妍。鑪峯  
香欲惹。帝座恐相連。絕頂有香鑪峯

遲陳子丹同遊稽山不至與周措方

限韻

訂遊方昨夕。春小亦非寒。舉步千山易。回頭一面難。鵲聲驚喚乍。竹影惜搖殘。烏柏丹楓路。登高不住看。

題周措方畫三首

蘭亭

巖壑幽情恣所欣。肯將踪跡付閒雲。記遊有序何無畫。持問當年王右軍。

禹陵禹廟有梅梁。張僧繇畫龍于其上。風雨夜飛入鏡湖。

巍巍寢殿百靈依。雲湧前山失翠微。梁上畫龍飛去久。僧繇再世又飛歸。

南鎮初因禹會諸侯名會稽山。後秦始皇登此望海。又名秦望山。唐封南鎮。

南鎮

紀功立石此山無松亦非封五大夫秦望  
何能汚筆墨寫來只是會稽圖

西施山

一名土城山越王教習西施歌舞處

句踐殺闔閭夫差好美女遂使浣紗人入  
宮作吳語至今越城外教習留片土馱舌  
繞梁歌紅葉霓裳舞月夜有歸魂環珮空  
延佇范蠡泛五湖不與文種伍東施老苧  
羅那識吳宮苦同儕勞逸殊天乎人自取

嘆息西施山種山共千古

山即龍山又名種山文大夫葬此

鑑湖

但見鑑湖田不見鑑湖水在昔湖中人荷  
花三百里

鏡中客寄內

右髻昔恨斑左髻今亦白鬢髮成老翁奔  
走尚不歇寄書問粧臺試看頭上髮君年  
長我一辛苦更什百結髮今二紀雙髻猶

如昔黑白何相懸。還問鏡中客。

余甫至會稽周摺方表弟從吳淞來。

快聚竟月賦贈

弟兄今日識君賢。逆旅相逢天作緣。攬勝

徧遊狂客里。閑情時泛若耶船。王維一卷

詩中畫。張旭三杯醉後顛。可惜元方長不

起。每教喜極淚潺湲。非熊表兄今年八月初五日歿。

遲李修仁同歸不至

時修仁客杭寓書訂余同歸。

刻

一都督

歲暮何堪各異鄉。時從越水望錢塘。將軍  
老矣誰搔背。君子窮乎在絕糧。挑盡燈花  
連夜雨。數殘雁字一天霜。歸心莫與寒雲  
說。聚散無端也自忙。

客中四寒詠

寒硯

片石隨寒客。千山冰雪時。開函長作潤。入  
手似凝脂。興發濡毫急。機忘凍墨遲。寄書

州

刻  
同硯友歸讀孟郊詩

寒鑪

鑪已寒于客天風滿地霜無人來送炭有  
僕想燒香斷續灰難活零星火易涼時時  
搓凍手把筆拭清光

寒藥

倦游不得返永夜伴燈殘膏淺窓輝薄花  
繁壁影寬嚴霜將奪焰落月更生寒太息

鄰家女分光自古難

寒枕

客寒無早臥對枕自淒涼蝶翅磨將落花  
梢豁更長江湖垂老伴閨閣舊時妝悶劇  
移書枕多添一夜霜

枕上聞雁二首

烏啼愁入夜雞唱喜殘更猶道客成寐霜  
天雁一聲



刻  
霜天雁一聲莫近人家屋爾自不知寒空  
房多獨宿

紙窓

紙窗徹夜光冷沁離人骨不敢出門看是  
霜是明月

嘲會稽縣署雙鶴

刻  
既不作雲中鶴翱翔在天際又不作山中  
鶴飲啄多餘地鍛翻混雌雄到此籬下寄

尚欲翹首鳴衝突鼓雙翅爾不見簷前鸚  
鵡巧如簧婦女兒童競相戲

惜珠詞

刻  
街珠至青樓貴賤良失宜况此樓中女挿  
戴因其時少年工賣笑不惜金錢麾老面  
難粉飾一錢成相知肥橐思送老那顧旁  
人嗤勸君勿復至街珠徒自卑

怨雪

雪積一尺深。蝗蟲深一尺。蟲之所食在田。  
爾肅寒威奪其魄。虎入城中。晝齧人大。  
虎小虎生羽翼。使民寒不願衣。饑不願食。  
家有倉谷滿盈。難逃性命頃刻。王法弗能。  
誅天刑弗能殛。爾何不撒鹽飛絮。填滿城。  
中。虎皆凍死如蝗蟲。民今而後圖年豐。

附嘲冬雪

爾雪胡為乎。不作梅花偏作雪。人皆稱爾瑞。豐年可預決。此是  
來年未來事。近今天道那可說。爾乃飛此六出花。欲入梅花伴。  
親切梅花固有香。雪花空自潔。香潔兩相宜。聊共歲寒節。轉盼  
梅開上苑春。雪不逢時花已竭。兩花中道何分張。非雪非梅天  
斷絕。來年縱得豐。寒影先愁滅。去去逐風飄。早與梅花別。

貞婦詞

丫頭笑貞婦。蚌珠海底沉。母乃九侯女。天性不好淫。貞婦起長  
嘆。淚落露衣襟。爾親地旁土。挿以頭上簪。入土簪未盡。爛爍終  
黃塗。對人長不語。誰知羞惡心。

寄九叔父

席帽追隨事目前。雲泥路斷十踰年。晚思及第誇同甫。窮欲為僧學閻仙。心血枯從多難後。髭毛白在老人先。二叔父七十三歲鬚髮全黑。昌黎念姪應須早。十二郎文莫再傳。

十一月七日錢塘客夜寄懷錢在德舅氏遊京師。

寒夜苦相思。所思在遠道。帝京四千里。囊溢行期杳。舅氏家亦貧。成行却能早。君愁較予重。北堂多病老。君身較予輕。分愁兄弟好。到京定踰月。何以開懷抱。予為遠行計。近向朱門禱。越水復吳山。形影自潦倒。君豈不予思。入夢胡草草。五更聞雁聲。念彼風霜飽。羽族一身謀。勞勞徹昏曉。仰事俯育軀。辛苦何時了。

刻

卅

